

回老變皓形 還白養嬰蒙 洞元清淨光
津海具神通 咽液生萬神 神水華池融
湧身灌而潤 往來無有窮 通生道之源
天根常茂豐 種悉會 出前案

青精之天上華之室中有返香之烟其蒸
迎風三千里猶微聞也玄景畫此小童若
之號三裕交太微童君名也帝傭者玉帝
金傭之館也開闢者應人之鼻謂調鼻息
以節約肺金之蒸瓊鐘者叩齒集神如叩
大寶鐘也六合者明堂也

大洞九元玉符



祝曰

九元真男名拘制字三陽常鎮我左耳之下
伏晨之戶

在左耳垂下二指面許向後 分是也

大洞玉經卷上

大洞玉經卷下

日二

太陽九炁玉賢元君道經第二十一
太陽化三晨 紫輶徹玄下 元君保谷童
守胃塞地戶 金符煥吐華 玉契披七祖
帝真灌上生 斷我三塗苦 洞明清靜光

帝心太玄通 宿命過去智 根本元由中
未來及他心 一切無礙融 洞源與洞明
萬道由通生 會令初 出中和
玉晨宮名微玄日神名保谷童子元君精
寔名也吐華亭名洞源洞明者言此心乃

大洞之靈源大洞之神明也

大洞皇一玉符



祝曰

皇一寔女名上歸字帝子一名郁墨子一名
抱定陵常鎮我右耳之下伏晨之戶

在右耳垂下二指面許向後一分

九素金華景元君道經第二十二

太初九素炁 炁出華景中 法垣舞仙旗
逡巡五老翁 夫人名啓珠 執籙歸紫房
父寧在迴明 混合太微童 洞清冥冥慧
大量玄玄同 根塵悉消滅 有無皆虛空
妙行真一全 名大心神通 道備登玉清

位為聖仙公 冥沖次 信明神
華景者官名啓珠沅汜池水神名也父寧
在帝一名也在迴明上玄元父君字也根
塵消滅謂其道最聖耳玄鼻華舌真身帝
心也

大洞紫素玉符



祝曰

紫素左元君名翳鬱无何字安來上常鎮我
頭面之境

上部八景齒神髮神皮膚神目神頂髓神
耳神鼻神舌神

九皇上真司命君道經第二十三

元始授太玄 蒼胡頡寶珠 檀熾鈞音妙
 希聲微太虛 九皇上真炁 四司太仙王
 飛霞散天日 凝煥六合房 上清朝玉虛
 乘景晨暉中 三種號發紐 捧藉蔭虛皇
 逸錄登紫清 金符刻羽宮 頂玄蒼胡頡
 弘濟登普光 運度玄中人 咽味生五方
 結集成胎仙 丹母金真陽 主伴合元範
 大易生玄鄉 掌堂庭 元妙靈
 蒼胡頡寶珠名大仙王司命君之位號統
 領四司六合房乃明堂之房也晨暉宮名
 發紐者血中之神名羽宮小神所居之處
 普光者大洞殿名金真陽者乾父也謂乾
 父坤母結成胎仙元範者所謂檀熾鈞也
 掌堂庭元妙靈者九天祝言

大洞黃素玉符



祝曰

黃素中元君名圓華黃仍字大張生常鎮我
 胃腹之境
 天皇真炁 三元乘神徊 法坦與朱霄
 天皇真玉華三元君道經第二十四

帝昌啓玉扉 拔尸命門內 解結桃康階
 歛神保五福 越轉入太微 單入而雙脩
 一曲水天衢 海日自東生 元命生太初
保解乘 結六庭
 天皇真者玉華仙女之母也神徊者車
 名也法坦心神名朱霄心神宮帝昌上皇
 泥丸九真內名寶閣之戶名玉扉單入而
 雙脩者謂天一生水便對地二生火性命
 雙脩之義也天衢乃西北天門之路也

大洞白素玉符



祝曰

白素右元君名啓明蕭仍字金門上常鎮我


下關之境 小履至 脚底

下丹田在臍下三寸其形方圓一寸男子
 藏精女子藏胎之所地關足名

太一上元禁君道經第二十五

太上上元君 日中司命童 煥然神光明
 披霞升帝幄 列坐震靈席 混合五日房
 白炁育尚生 青君按延昌 左携精上門
 右抱合和英 我生日月華 友賓赤炁王
 八景照泥丸 朗照洞房中 嬰兒為赤子
 混離生玉容 五道秀金華 位為上清公
 七祖斷玄滯 身得乘神風 徘徊三清上
 和樂返嬰童 太始三炁周 真文肇生明
丹明昌 左帝根
 司命童號赤炁王內名將軍梁為日中上
 神帝幄者玉帝金幄也震靈席者震靈
 符文可拜可坐卧也延昌者結中青炁君
 名也精上門者節中黑炁君名也赤子玄
 凝天泥丸上一天帝名也混離子血中赤
 炁君名也五道官名金華山名

大洞日中玉符



服符微祝曰

日中司命君名接生字通靈一名上景一名
圓光一名眇景一名九曜一名微玄一名曜
羅司命童號赤炁王內名將軍梁乃日中上
神常鎮我左手通真之戶

左手掌心宛宛中一戶

元虛黃房真君道經第二十六

元虛黃房中 內有黃室童 左有堅玉君
右有帝昌皇 淳清翳養炁 鬱鬱虛靈容
青肝明輪子 開朗徹八聰 太一嗜立蘭
奉符入玉宮 拔赦七世罪 回元期大通
混合帝一室 五老變孩童 太素梵行初
一善四金融雙世炁
三道遠
黃房乃真君之所治也黃室子玄精血
三真名也堅玉君胃管二真名也帝昌上

皇泥丸九真內名也虛靈者谷神字也明
輪童子肝中四真名也八聰者八景也嗜
立蘭太一帝專內名也

大洞月中玉符



服符微祝曰

月中桃君名盈子寧運景青帝母號芳艷嬰
日月之明日朔期
常鎮我右手通真之戶


在右掌心宛宛中是神所居

太極主四真人元君道經第二十七

太極主四真 凌羽逸上清 七轉召司命
太一揚威明 司錄保儲命 三舉登靈
魔王來受事 仙官東鬼精 月中青帝母
號曰芬艷嬰 太張上玉符 安來上玉名
混化六合內 洞房列火兵 太極五靈冲
橫文帝子賓雙來章
乘法誤

威明者陰神之字也靈靈者符名也青帝
母月中之神也太張上黃素中元君名也
安來上紫素左元君名也火兵者陽靈也
橫文乃中黃之正印黃帝執此文而為萬
神之主其諸天帝子皆為仙寶也

大洞陽先玉符



祝曰

左目童子名靈飛字陽光常鎮我左目之瞳

四斗中真七晨散華君道經第二十八

斗中四真人 散華玉清臺 帝卿中玄生
一回衆真來 香風扇三寶 五臟映清英
蒼胡頰光華 檀熾鈞吉祥 太中六炁清
曲水天河襄 大慶功圓成 五魔伐六陰
中結元始王 高觀六合庭觀曲玄
鏡重章
四真人四斗之神也中玄生泥丸帝卿名
也三寶山名清英宮名襄者升也泉曲之
水下注北鄭升為天河上貫南斗了明此

S. 22 A. V. 101

道沈者皆升五帝大魔伐六陰而陽回六府

大洞陰精玉符



祝曰

右目童子名晨嬰字陰精常鎮我右目之瞳

辰中黃景元君道經第二十九

辰中黃景元 三秀登霄庭 滄臺飛羽輪
迎延道已成 司命奉帝書 號為玄度卿
保生太霞宮 列賓館上清 命門合精延
守我身黃寧 左勢元素君 右攝朱蔚靈
太和度七覺 點火生真文 紫華頂胎仙
元命真中神 總命本 登龍津
三秀山名滄溟臺名迎延符名玄度卿司
命文人名也合精延桃康君名也黃寧子
玄精血三真名也元素君死英公子名也
朱蔚靈右白元尊神名七覺者火之成數

也又難為火而文明發混洞赤文之秘也
華頂胎仙者三華聚頂胎結成仙也真中
神乃真中之陽神也

大洞胎仙玉符



祝曰

肺部童子名素明字虛成常鎮我肺部之下

金闕後聖太平李真天帝上景君道

經第三十

金闕上景蒸 十方曜紫烟 三命太一尊
五召太平神 七轉招獄真 玉符告三官
拔籍三靈下 受生高上晨 太靈八靈王
一化回慶雲 桃君守六合 勒精衛泥丸
太清八景觀 十德真文宣 保子神中神
元命生自然 得日賢
金闕者肺也太一胎尊隨所應現太平後
聖自然通神發真者五款象真也頌玉符

而告三官大帝拔死籍於三靈之神解則
受生於高上之晨官矣八靈君太帝精真
之字六合明堂名勒精泥丸帝卿名八景
八神名

大洞胎神玉符



服符微祝曰

胎中一元白炁君名務玄子字育上生太一

精真名玄歸子字盛昌 號王八 二神常鎮我五

臟之上結喉之本戶


結喉一名金樓一名重樓一名三思臺神
有十二序長真人在其內主通上下炁也
太虛後聖元景彭室真君道經第三
十一
太虛空无景 霞中有彭室 九雲合重扉
帝君靜幽密 八真合景君 上勢乃女太一
雌雄混玉房 九變運返七 分形散六合
泥丸易分別 太真九光輪 十住 結文結

保子元炁通 五炁理中頡 混一歸帝關
永壽無窮劫 變化飛上清 三千行超越

乘元輪
入幽宗

空无景山名彭室者彭君之室室中主延
生之符重扉者門也合景君膺中八真名
十住乃十地一屬陽略伸華過右便是陰
此攝之所由生也此言ノ文者正得反陰
為陽之義理中頡者中理五炁混合百神
頡乃升上之義

大洞結中玉符



祝曰

結中青炁君名按延昌字合和嬰元君精寬
名保谷童子字明光二神常鎮我五臟之下
胃之上口

正指胃口存其神在胃口內也前言胃管
二真者存其神在胃口外也

太玄都九炁丈人主仙君道經第三

十二

太上九炁上 烟迴大暉間 神光秀空峯
五道煥三天 駕景登絕霄 乘風蕩滯神
中一日運珠 理心入清閑 混合三五宮
累變億萬年 伐絕胎樹生 永斷血尸根
七祖散積滯 反華墨幽玄 萬炁生萬津
齊化成仙人 太玄啓十明 妙行登十真

無阿景
泰神冲

太玄都在九炁之上九炁即返寬之香火
暉者官名空峯者山名五道者官名蕩滯
神亦山名也運珠者心中一真名也金木
水火混合於土名曰三五宮

大洞節中玉符



祝曰

節中黑炁君名斌來生字精上門帝真精寬
名幽臺玉字權上生二神常守我九腸之口

伏梁之下

九腸之口是小水出處伏梁下戶是大小
腸窮相近間隔處當中拱和訣云伏梁下
戶在陰囊之後肛門之前二陰中央也

上清八皇老君道經第三十三

上清絕霞外 八皇運九天 幽寥生帝子
勢化景中人 晨登太老寢 夕宴金華便
羽節命太一 錦旂召萬神 擊我玄胎仙
伐滅胞樹根 解結生七祖 散禍寧九玄
赤帝丹靈峙 扶兆入金門 月母靈素蘭
守闕死炁關 死炁自令絕 生津從茲延
萬神萬炁仙 超脫位真王 十真妙行全
太玄會明陽 無上大洞尊 一炁同龍光

聯運劫
度速勉

太一君字幽室无晨登太老寢喻理脾土
之元夕宴金華便又喻咽肺金之液丹靈
臺名靈素蘭月母之號明陽玉皇名龍光
車名

大洞胞中玉符

101. A. B. 24. U



服符微祝曰

胞中黃素君名祖明車字神无極天帝精寔
名理維藏字法運珠二神常鎮我小腸之內
二孔之本

小腸之端胞囊繫焉胞有一帶合於小腹
之內其右一帶管便溺水左一帶則偏泄
精華故曰二欲孔焉

東華方諸宮高晨師玉保玉青童君
道經第三十四

東華發始輝	高晨暎上清	洞煥圓珠靈
朗朗紫曜明	七神曰帝席	五老飛玉耕
太一景中王	司命攝萬靈	汎然雲波間
寂吟泥丸城	七轉召三官	北君稽首呈
五嶽應命到	拔死書長生	三舉震靈符
玄解大魔精	七祖生福堂	玄華保黃寧

始輝者日出之輝高晨者宮名圓珠紫曜
皆日名也黃寧者精血三真名也
大洞血中玉符



祝曰

血中赤炁君名混離字字叔保堅司命精寔
名發紐子字慶玄二神常鎮我百關之血絕
節之下


歷劫受質未有不由精血而成身也故節
結不解仙道難成經曰兩脚絕骨之尸在
兩腿脛骨之下第向外之蹀骨下宛宛中
名曰絕骨之尸

搏桑大帝九老仙皇君道經第三十五	校仙登搏桑	七轉召天帝
大帝九老京	五嶽啓靈戶	傳制大魔宗
司命承神綱	立示應會方	保符泥丸內
河海皆受事	迴明易死籍	記仙叔火王
守神曰桃康		

拔出三塗疾 去禍生上英 七玄登朱宮
兆身會明陽 上友方盈子 下携理維藏
左攝明車君 右輔歸威昌 混一玉景炁
化兆吉以強 反嬰元命童 檀熾吉祥鈞
天一元根仙 自在光明輪益知進

京者玉京之山也靈戶者符名也叔火王
下玄元母君名也上英者心中一真名也
朱官者僞火之庭也明陽者玉堂也方盈
子月中桃君名也理維藏天帝精寔名也
祖明卑胞中黃炁君名也歸威昌太一精
寔名玄歸子字威昌

大洞七神王符



服符微祝曰

上元玄父君名高同生字左迴明下玄元母
君名叔火王字右迴光帝皇太一君名重冥
空字幽寥无九帝尊君名日明真字魂衆帝
生大帝精寔名陽堂王字八靈天帝九關關

寬君名迴錄道字絕冥天紀帝寬大魔王名
照无阿字廣神凡七种常鎮我本命之根胞
胎本結

本命之根即胎輪子母分派之根帶也胞
胎大結胎中與腎相連結胎之戶也命門

內官外官言入胎一寸內有一帶通丹田
中門乃結胎之地外官指腎之外也內官
指胎之內也只是一處

小有玉真萬華先生圖玉君道經第
三十六

玉真萬華宮 高仙藏帝經 主圖九天表

洞觀无中生 七轉召萬真 五嶽一來庭

三官招衆魔 司錄校所呈 拔籍重泉曲

仙名書太清 七世解牢結 穢血息沈零

反胎朱火室 更受洞神靈 伯史衛神軀

令我保黃寧 合帝伯 方經

主圖者玉君主掌圖錄於九天也朱火室
朱陵火室伯史原異童之名黃寧精血三
真名

大洞九神玉符



服符微祝曰

三素老君名牢張上字神生道 人神名每
玄北醫証之伴音道字之
人中世莫如其機會之端 正一左仙名仲成

子字四華尊一名帝賓正一右仙名曲文子

字靈和一名光賢凡三神常鎮我鼻下人中

鼻神曰明童曰明舉曰明 非日玉振曰童戶曰開關 中央玄一老子名

林虛夫字靈時道常鎮通精之竅 九曲下戶
人之陰也

男曰九曲 女曰下戶 北方黑帝名保成昌字北伐常鎮

膀胱之中 膀胱在小腸并腹之前骨之兩邊
容氣相通連故小腸水腫則膀胱少
陽而通於中後腰之中水隨 西方白帝名彰

安季字西華 比七靈常鎮男之外腎女之兩

乳南方赤帝名長來覺字南和常鎮口中舌

下 下者華
池之水 東方青帝名離梁際字青平常鎮

五臟之外 青脈屬心五臟
心脾居上 中央黃帝名含光

靈字寬明常鎮脾胃之中 黃亮然曰脾土一
入攝土食又中黃
監日胃為土倉土倉之口胃統之
內五是分榮清傳通之戶也

玄洲二十九真伯上帝司禁君道經
第三十七

玄洲絕三津 羽景太无庭 回霄飛重漢

委化混萬精 五雲蔚絕空 七霞落圓明

朗朗幽寥子 梵昌濟黃寧 五老飛絳華

歡香秀玉靈 金質濯帝川
綠烟露流瓊

神拔三塗積 仙胎結北形 上清玉皇師

玉宸大道君 與心絳官神 飛澄太玄尊

開神華
大紀元

玄洲絕島之下有三弱之津即弱水也羽

景堂者重漢山名圓明日名也幽寥子太

一君字也梵昌太一精寔名也黃寧精血

三真名也玉靈上清之玉童也帝川池名

玉宸即上清也

大洞三神玉符




服符微祝曰

泥丸上元帝卿名兆勤精字中玄生一名起非伯一名常扶肇錄官中元輔卿名中光堅字四化靈一名幽車伯一名董史華黃庭下元弼卿名歸上明字谷下玄一名奉申伯一名承光生常鎮我三元之官衛我本命守我帝室

太元晨中君判峨眉山中洞宮玉戶太素君道經第三十八

三真生太元 玉戶映晨霞 太素洞元靈 丹林生朱柯 迴神九重府 內昌發瓊華 百開納精液 停年三秀阿 兆身騰玉清 七祖離幽塗 長保不終劫 萬世承仙家 位為聖統尊 玉清大洞都百靈君 太素洞元靈者太素之天所煥元靈之殿也內昌臺名三秀山名大洞都神都也

大洞帝一玉符



服符微祝曰上書之內上首之外及鼻下人中乃神所居陰陽之理五靈其元之會仙經云一物會五靈承作仙人神


大洞帝一尊君名父竄在字合母精理風混合鎮衛死烝繁蘭統三十九戶之神常在人中或上唇之內光映目中瞳子自無而有之自有而無之有有無無不無就其一之所變萬歸一之道

西元龜山九靈真仙母青金丹皇君道經第三十九

西元九靈蒸 金丹流雲官 上極瓊曜杪 輝景大霞空 動回九天輪 靜沈八流網 室有胎仙母 携給太帝皇 玄一靈時生 三老素牢張 左把玉符籍 右勢理神宗 同登龍珠闕 稽首玉清房 拔棄死滅根 香形三五中 七租解尸結 受福明米方 上澄聖中導 符化玄炁王炁王 西元者洞補山或云是崑崙山九靈山中館名也九天輪乃天關也八流網流網之八山即地輪也仙母乃坤母為黃婆為無夜

夫人為大藥玉印太陰錄形之道靈時者中央玄一老子之字也牢張上三素老君名也神宗中央司命丈人名也死滅根言拔素三十九死尸也三五中何圖縱橫三五之數也

大洞總真玉符



右符總三十九符真炁於帝一之所用三十一符五尺五寸此符一月亦可功備大成

太玄真人呪曰真人姓趙諱守真主太玄洞明宮 天中之天 仙峯嶽京 樓臺殿閣 宮室闕廷 洞房庭館 福堂奎城 靈軒帝席 上首之名 開竅關通 門戶寬極 日月星曜 光映目睛 風雲烟霞 氣息混凝 川池海波 血液津精 五臟六府 面部身形 胞胎結節 各有神靈 求之不見 呼之斯應 神有萬萬 主一情寧 一源萬派 濁濁澄澄 萬流一源 四海合分

大哉空洞六合黃庭真不二法門無局
三十死尸死炁常冰我呼我神常令惺惺
如睡斯覺如醉斯醒虛靈谷神混合五行
九十七相放大光明死尸之炁自然更生
祖炁回潤孫枝數榮塚訟罷對冤債無微
普度天人妙行圓成大洞之富萬寶充盈
大洞之貴仙位高登車迴畢道太微上清

大洞內鍊玉章

青童大道君 東隣搏桑雲 心傳大洞旨
靈章繫符文 琅琅瓊玉音 俯響徹帝關
哀憫人間世 滅魔絕妖氛 惠我清淨光
弘濟照無垠 有如蒼胡頤 運度玄中人
五府生華采 九元常鎮身 虎服攝乘邪
龍旗名百神 離羅吐白炁 開朗高上晨
太一雌雄混 七真陰陽分 暫詣六淵宮
再迴九光輪 永壽無終劫 太初長為降
元君號紫虛 乘鸞謁玄都 手持大洞經
鏘然寫瓊瑤 分章三十九 靈炁寫靈符
召攝生身神 靜室守所居 九真蕭履衛
三元護儲骨 左携千景精 右抱起常扶

併襟樂黃室 鏡心留雲珠 游軌真陽館
夙駕羽明車 青峯掃寶漢 玄景薄天衙
洞微振至理 豁落起太无 豈期咄嗟頃
奮迅風雷俱 長保為仙伯 萬神同招呼
三茅句曲山 兄弟列仙班 派接魏元君
金簡玉端爛 濟濟朱霞被 我我玉晨冠
紫房錦帷陞 形庭青琅玕 同心詣蘭闕
授武登天壇 道逆躡雲漢 嘯傲鳴佩環
三晨散靈彩 四海澄波瀾 迅轡御神虎
拂衣乘青鸞 位登聖統尊 消弭累劫難
呼吸九靈炁 鍊造七還丹 養形混帝室
迴風落天關 道通自然質 靈威來人間
王清大洞內鍊玉經
王清帝君玉章上品
碧海青童君 駕龍朝紫宸 九曜耀八極
五年臨生門 二十八宿君 燦爛明天闕
五帝來玉軒 三官降玄息 祥光洞天地
瑞氣回陽春 天司定仙籍 丁甲除妖氛
金騰啓玉章 日月停朱輪 萬神舍我室
壽與天地存

王清內鍊玉章中品
無上大羅天 三景合四明 紫戶生梵炁
金先煥九清 混合萬神備 大聖朝玉京
洞章歌玉音 中黃敷寶經 五帝宣玉符
三官啓百靈 劫劫應太平 返本如孩嬰
真風日蕩蕩 道炁常泠泠 玉女散瑤葩
金童闕玉局 无為赤元君 與道同升沈
王清內鍊玉章下品
嵯峨九光山 瑤闕居上仙 日月運金炁
龍虎奔玄闕 濯灑碧芝房 靈苗生翠烟
煥赫紫霞光 萬聖垂雲軒 洞歌聲朗朗
上澈天上天 若能保其室 萬劫為天仙
內寶不外求 是為无上玄 鍊成大寶器
消搖歸帝軒
都匠符



服符呪曰

日出洋洋真武遊行行符數水坐視四方
求道得道求仙得仙長生久視位納真祥
萬邪一見情慘驚忙急急如律令此符亦用

一名大洞玉清都錄真符乃老君玉篆符

竅中第一符三中靈文此符端首

太玄真人呪曰

三十九戶固有神靈未聞玉經莫知其名
三十九符隨然運行不見玉經其文未明
我有道緣心運玉經經以致敬經以致誠
符求同炁神應同聲靈谷洞虛萬籟自鳴
青天不雲真文自成感應之理會神聚精
胞結自解尸血自澄陽回祖根玄華長青
父寧母精細風混凝寶珠放光返胎結嬰
氣轉洪鈞火候調停守雌抱雄收視返聽
願養靈童富貴黃庭升降自然回鏡玉清
胎轉既返玉席高登萬道通備龍鶴來迎
功成名遂玄俗光榮

大洞玉經卷下

大洞玉經漢壇傳之久矣愚於少年固嘗披
誦而不曉經義先輩云多是身中百神之名
不可以文理推之也後得茅山宗壇及梓潼
文昌經本比方各有差殊或因傳寫之誤或
音聲之訛大同小異互有得失然聖經不致

輕易去取乙巳歲菊月有國子助教豫章太
古熊隣初棄官學道究竟大洞經旨由盱江
麻姑來山中携至所抄大洞經本乃有昔昔
太玄趙真人所法經義其中多是身中百神
名字所主所居官分山林樓臺池館一一明

白大藥以生門死戶守雌抱雄為主混合百
神常存各居其所各理其務同山鍊師蘭靈
周先生與愚同好雖年踰八十耳聰目明筆
力道勁繕寫二部因以見示一誦了然可謂
晚年有此奇過也惜乎區區老朽不能修持
然又不忍捨置姑例抄一畧居常玩味及傳
之後學抄畢返歷尚莫先生精專持誦倍錄
日新返老還童不辜所過而獻頌曰
大洞玉經至道之精真思帝一守雌抱雄
三部八景混合迴風祥烟慶雲戶塞門通

太一命神滅魔摧兇執符把籍結節皆空
三關通暢九炁沖冲世廢玉蘭天根茂豐
證一真道位登仙翁長保景化消搖琳宮
他日蓬閣一笑相逢

八十九翁秋水真德同拜書